

TEZAUUR LITURGIC
4 DECEMBRIE

ACATISTUL
SF. MARI
MUCENIȚE
VARVARA
II



TBILISI, 2000



დაუჯდომელი საგალობელი წმიდისა დიდისა მოწამისა ბარბარესი

კონდაკი 1

ზეცისა სავანეთა ბრწყინვალედ დამკვდრებულ ხარ იულიანას თანა და მარტულთა მკედრობასა, ვითარცა ზეციერისა სიძისა მიერ დაწინდებული, ხოლო ჩუენ პატივს გცემთ, ლუაწლისა მძლეო ქრისტჳს მოწამეო ბარბარე, და გევედრებით: ყოვლისა განსაცდელისაგან გვკსენ და სნეულებისაგან დაგვიცევ სიმჴნისა შენისა მომკსენებელნი და სურვილით მგალობელნი: გიხაროდენ, სძალო ქრისტჳსო უძლეველო, დიდო მოწამეო ბარბარე!

იკოსი 1

სენთა და მწარეთა საღმობათა დაკსნის და განაქარვებს საკსენებელი შენი, ვითარცა ითხოვე შენ ქრისტჳს ღმრთისაგან, ყოვლად ქებულო ბარბარე, და უკუეთუ ვინმე გხადოს შენ ლოცვასა შინა მკურვალედ, იკსნი ყოვლისაგან ბოროტისა, ამისთვის ჩუენცა განგვარინენ ყოვლისაგან ვნებისა, რადთა უღმრთოთა ნებისაებრ უსჯულოებისადმი არა მივიდრიკოთ და ვიტყოდეთ ძალისაებრ ჩუენისა:

გიხაროდენ, ვარდო შუენიერო, ეკალთაგან
უნაყოფოთა აღმომორჩებულო;
გიხაროდენ, შროშანო ქალწულებისაო, ღუარძლთა
შორის კეპრთმსახურებისათა აღმოცენებულო;
გიხაროდენ, ღმრთისა მიერ წარმართთაგან
გამორჩეულო;
გიხაროდენ, უბიწოებითა და ერთგულებითა
განბრწყინვებულო;
გიხაროდენ, მადლითა აღვსილო და სულიერისა
წესითა შემკობილო;
გიხაროდენ, სასოებითა საუფლოდთა და
კეთილმსახურებისა სიმკნითა შემოსილო;
გიხაროდენ, მღვდარედ და ფხიზლად ცხორებისა
შემაგონებელო;
გიხაროდენ, მრავალთა ჭირთა მიერ სიმართლისათჳს
დევენულო;
გიხაროდენ, აბელისაებრ დაკლულო და ისაკისაებრ
მსხვერპლად შეწირულო;
გიხაროდენ, ქალწულო, ქალწულ დედოფალთან
მიახლებულო;
გიხაროდენ, ზეცათა შინა წმიდათა მწყობრსა თანა
შეერთებულო;
გიხაროდენ, უბრწნელითა ნაწილებითა
განდიდებულო;

გიხაროდენ, სძალო ქრისტესო უძლეველო, დიღო მოწამეო ბარბარე!

კონდაკი 2

ღაიპყრა რაღ მეფობაღ მაქსიმიანოს, აღადგინა დევნულებაღ დიღი ეკლესიათა ზეღა და ქრისტეანენი სასტიკად მოსწყუნა, ხოლო შენ დაღათუ განმხოლოებითა იზარდებოღი მაღალსა შინა გოდოლსა, კერპთმსახურისა მამისა მიერ აღშენებულსა, შეუხებელმან ნათელმან განანათლა გონებაღ შენი და განიზრახეღდ თავსა შორის თვსსა, თუ ვითარ შესაძლებელ არს ბნელთა კერპთა მიერ დაბადებაღ ცისა და ქუეყანისა? და თვთვე მიუგებღ „არა! ერთ არს ღმერთი, ჳელითუქმნელი, და თავად არს შემოქმედი ყოველთაღ, რომლისა ჳშუენის დიდებაღ და ქებაღ“: აღილუია.

იკოსი 2

ბრწყინევიღი რაღ კეთილქმნულებითა მით ჳორცისაღთა და სულისა შუენიერებითა, მრავალი გამოჩნდეს მეძიებელნი ჳელისა შენისა, გარნა შენ არა სათნო-იყავ ქუეყნიერი სიძღ უფროღს ზეციერისა და სძაღ ექმენ რაღ ძესა ღმრთისასა, იესუ ქრისტესა, მტკიცედ მიუგებღი მამასა შენსა: „არა გიცნობიესა მამაო, რამეთუ არად სახმარ არს ჩემღა განხრწნაღი

ესე სიკეთეს და მიღირს, რადთა შევწირო სიწმიდეს ჴორცთა და სულისა და სიყუარული სრული ღმერთსა“. ამისთვისცა მაღლითა შენითა ვიხარებთ და ვღალადებთ წადიერად:

გიხაროდენ, სახლსა შინა წამართისა მამისა შენისასა ფუფუნებითა ცხორებულო;

გიხაროდენ, გონებითა არა ყრმებრივითა, არამედ გონიერითა გამორჩეულო;

გიხაროდენ, მაღლისა კეთილ-მოქმედებითა განათლებულო;

გიხაროდენ, მაცთურთა კერპთაგან ჭეშმარიტისა ღმრთისადმი გონებით ამაღლებულო;

გიხაროდენ, ღმრთის-მეცნიერებითისა ნათლითა განბრწყინვებულო;

გიხაროდენ, ჭეშმარიტსა მას ღმრთისმეტყუელებასა შინა ღმრთისა სიტყვისა მიერ განსწავლულო;

გიხაროდენ, ზეგარდამო მონიჭებულისა სიბრძნისა დამტევნელო;

გიხაროდენ, სიწმიდისა და კრძალულების კეთილად დამმარხველო;

გიხაროდენ, მართლისა სარწმუნოებისა სიტკბოებისა შემყუარებელო;

გიხაროდენ, კერპთმსახურებისა საცთურისა მომძულეებელო;

გიხაროდენ, გლახაკთა შესავედრებელო და

მწყალობელო;
გიხაროდენ, მეოხო ქურივთაო და ობოლთა
განმკითხველო;
გიხაროდენ, სძალო ქრისტესო უძღველო, დიდო
მოწამეო ბარბარე!

კონდაკი 3

ესმა რად მამასა შენსა განზრახვად შენი, ბრძანა
აბანოდსა აღშენებად, სარკუმელითა ორითა,
მოსახსენებელად მზისა და მთოვარისა, რადთა
მოსწყუედდეს გონებასა შენსა ძიებად ჭემმარიტებისა
და შეგაქცევდეს შუებასა ჯორცთასა, ხოლო თვთ
წარვიდა შორად, მაშინ სხუათაცა ქალწულთა მიერ
იქმენ რად სარწმუნოებისა ბრწყინვალედ
შემწყნარებელ, დასდევ აღთქუმად სიწმიდისად და
ქალწულებისად, და ბრძენთა მათ ქალწულთა თანა
ერთ-ღმრთეებით აღიდებდი და უგალობდი სამებასა
წმიდასა: ალილოჟია.

იკოსი 3

განათლდა რად სულითა წმიდითა გული შენი,
შეიმოსე ქრისტეს ნათელი ნათლისღებითა და ჯორცთა
შინა მყოფი უჯორცოთა მსგავსად იქცეოდი და
მსახურებდი ღმერთსა ჭემმარიტსა, ხოლო იხილე რად
აბანოდ ორითა სარკუმელითა, აღხვედ მაშენებელთა

მიმართ აბანოდსათა და უბრძანე ყოფად სარკუმელთა სამთა, და სიბრძნითა და გულისწმისყოფითა აჩუენე რად საიდუმლოდ სამებისა წმიდისად, გამოსახე თითითა აბანოსა შინა, ნიში ჯუარცმულისა ქრისტეს ღმრთისად, დიდებად მარტვლთად, მათ თანა ევედრე ღმერთსა, ჩუენცა მოგუცეს გულისწმისყოფად კეთილისა და ბოროტის განრჩევისად, რადთა შენმიერთა ძლიერებითა სულისადთა შეჭურვილნი ღირს ვიქმნეთ შეწირვად გალობისა:

გიხაროდენ, მამა-პაპათა სიბილწისა დამტევებელო და ღმრთის დიდებისა მქადაგებელო;

გიხაროდენ, ქრისტესთვს ამაოდსა ცხორებისა მომძულეებელო;

გიხაროდენ, ქალწულო, ქალწულისაგან შობილისა სიძისა - ქრისტეს მიერ პატიოსნად დაწინდულო;

გიხაროდენ, კრავო ღმრთისაო, მწყემსა კეთილსა შედგომილო;

გიხაროდენ, ღმრთისმეტყუელებისა მაღლისა მომგებელო;

გიხაროდენ, სამთა სარკუმელთა მიერ მრავალ-ღმრთეებისა სიბნელისა განმდევნელო;

გიხაროდენ, მარხვითა და მღვიძარებითა ჯორცისა განმკაფველო;

გიხაროდენ, ლოცვითა ჟამ ყოველ დაუცადებელად, სულ თქმა ცრემლოვანებითა და მდაბლით გალობითა

მარადის უფლისა მვედრებელო;
გიხაროდენ, ბეჭდისა სულისა წმიდისადათა უბიწოდ
და შეუგინებელად დამამტკიცებელო;
გიხაროდენ, სოფლის მპყრობელისა საღმრთოდათა
მადლითა დამამჯობელო;
გიხაროდენ, ყოველგვარ ბოროტთა ზნე-ჩუეულებათა
და ბიწიერებათა ძლიერად დამთრგუნველო;
გიხაროდენ, ქრისტეანეთა ქალწულთა ცხორებისა
წესისა აღმამაღლებელო;
გიხაროდენ, სძალო ქრისტესსო უძლეველო, დიდო
მოწამეო ბარბარე!

კონდაკი 4

უკუნ-იქცა რად მამად შენი სახიდ თვსად, იხილა აბანო
სამითა სარკუმელითა და განკვრდა, გარნა შენ გეწადა
მოქცევად მისი ღმრთისა მიმართ, და უშიშად
ასწავებდი სჯულსა ქრისტესსა: „აღმოგიყვანო შენ,
მამაო, ბნელისა მიერ ნათლად; და არა გიცნობიესა,
რამეთუ სამნი სარკუმელნი იგი არიან, რომელნი
ჰნათობენ ყოველსა სოფელსა - მამად, ძე და სული
წმიდად და მხოლოდ მას შუენის მადლობად და
დიდებისმეტყველებად“: ალილუია.

იკოსი 4

ვერ თავს იდეგ, უბიწოო, უმჯულოებად მამისა
 შენისად, და მოტყინარემან შურითა საღმრთოდთა,
 სიცბილი მისი კადნიერებითა ამხილე და სიმაღლესა
 მდგომარენი კერპნი გარდამოსთხიენ, მაშინ აღივსო
 გულის წყრომითა ბილწი იგი, რამეთუ დაბრმობილ
 იყო სულიერითა თუალითა, და განძნდა მოკლვად
 შენდა მახვლითა, გარნა განცრუვდა სილაღწ მისი,
 რამეთუ ოტებულ იქმენ რად მამისაგან შენისა,
 ვითარცა კრავი უმანკოდ ბოროტისაგან მგელისა,
 მიისწრაფე კეთილისა მწყემსისა ქრისტჳს მიმართ, და
 ვითარცა თეკლა პირველმოწამე, კლდემან შეგიწყნარა,
 ეგრეთვე აწ შენდამი კეთილმსახურებითა
 მოღტოლვლნი შეგვაწყნარენ ღმერთსა სახიერსა,
 შეგვჭურვოს ჩუენ ძალითა თვსითა უძლეველითა,
 ხილულთა და უხილავთა მტერთა ზედა, რადთა
 მართლითა სარწმუნოებითა აღმსობილნი ჳმა-
 ვჰყოფდეთ გიხაროდენსა:

გიხაროდენ, ქალწულო, წარმართთა შორის წმიდად
 და შეურყეველად ცხორებულო;

გიხაროდენ, ასულო ზეციერისა მამისაო, პატიოსანო,
 თვნიერ ზეციერისა, სიძისა სხვისა არა მნებებელო;

გიხაროდენ, წმიდათა და სანატრელთა მოწამეთა
 მიმზადველო;

გიხაროდენ, ქრისტეს ჯუარისა ბეჭთა თვსთა ზედა
აღმღებლო;
გიხაროდენ, ნებითა შენითა მისთვის ტანჯვათა
დამთმენლო;
გიხაროდენ, უსამართლოთა ბჭობათა დამარღვეველო;
გიხაროდენ, საყუარელისა მამულისაგან ჯმნილო და
ზეციერისა მამულისა აღმრჩეველო;
გიხაროდენ, მიწიერისა მამისაგან ქრისტეს
სარწმუნოებისათვის დევნულო;
გიხაროდენ, შორის კლდესა, ბრძანებითა ღმრთისადათა
შენთვის განხუმულსა, განსრულო;
გიხაროდენ, მღვიმესა შინა საკვრველად შესრულო;
გიხაროდენ, კეთილ-სუნნელო მირონო, ქრისტეს
ეკლესიისა განმასულნელებლო;
გიხაროდენ, ყოველთა მართლმორწმუნეთა
ნუგეშინისმცემლო და ბოროტმადიდებელთა
მარცხვენლო;
გიხაროდენ, სძალო ქრისტესო უძლეველო, დიდო
მოწამეო ბარბარე!

კონდაკი 5

იხილეს რად ორთა მათ მწყემსთა, თუ ვითარ
გეძიებდა უმჯულოდ მამად შენი, ერთმან მზაკუვარმან
განგცა და საყოფელი შენი აუწყა უგუნურასა, ხოლო
გპოა რად დაფარულსა შინა მჯდომარს ბოროტმან

დიოსკორე, იპყრნა თმანი შენნი შუენიერნი, და მიგითრევედა რაჲ სახიდ თჳსად, დაპებულნი ჳორცნი შენნი ძოწეულ იქმნა სისხლითა და მით შესუარულნი თმანი შენნი განეფინა გზასა ზედა, გარნა უფლისა მიმართ აღგეპყრა გონებაჲ, ნეტარო, და ჳმობდი სიმჳნითა: „შემწე ჩემდა არს ქრისტე, მე ვარ მჳევალი მისი“, და აქებდი განმადლიერებელს შენსა: ალილუია.

იკოსი 5

დაივიწყა რაჲ ბუნებრივისა შჯულისა სიყუარული შჳლებისაჲ, მამამან შენმან შთაგადო ბნელსა და გტანჯვიდა რაჲ სიყმილითა, თჳით წარდგა წინაშე კერპთმსახურისა მმართველისა და ამცნო, თუ ვითარ ჳხადი ღმერთსა ქრისტეანეთასა, რაჲსთჳსცა ბოროტი იგი მთავარი განრისხნა და მიყვანებაჲ შენი უბრძანა უგუნურსა, გარნა შენ ილოცევდი: „მოავლინე, უფალო, შემწე ჩემი ზეცით წმიდით შენით, რაჲთა შეუგინებელად დავიცვე ქალწულებაჲ ჩემი და განმადლიერე მე წინა-აღმდგომთა შენთა მიმართ და ეშმაკისა, რაჲთამცა ვსძლო მას და დავთრგუნო იგი ძალითა შენითა“, ამისთჳსცა შჳლნი მართლმადიდებელისა ეკლესიისანი შეგამკობთ ჳმითა მაღლითა:

გიხაროდენ, სისხლთა შენთა მიერ საქორწინოდსა სამოსელისა შემმოსველო;

გიხაროდენ, თხზულთა თმათა წილ, ზეციერისა
გვრგვნიისა მომღებელო;
გიხაროდენ, ღუარითა სისხლთა შენთაათა
საცთურისა აღისა დამშრეტელო;
გიხაროდენ, ვარსკულავო, ვსნის მეძიებელთათჳს
გზისა მაჩუენებელო;
გიხაროდენ, ახოვნებითა და სიმამაცითა შენითა
სულმოკლეთა და დაჯსნილთა მარცხვენელო;
გიხაროდენ, სარწმუნოებითა მტკიცითა უკეთურთა
სულთა მძლეო და შემმუსრველო;
გიხაროდენ, უღმრთოთა სწავლებათა კადნიერებითა
დამჯსნელო;
გიხაროდენ, სანთელო, გონიერთა განმანათლებელო
და უგუნურთა დამწველო;
გიხაროდენ, ბელიარის ზრახვათა მომსრველო და
ყოვლისა სიბილწისა აღმხოცველო;
გიხაროდენ, საღმრთოდთა ცეცხლითა გულთა ჩუენთა
აღმგზებელო;
გიხაროდენ, მართლისა სარწმუნოებისა და ღმრთის
პატივისცემისა დამნერგველო;
გიხაროდენ, ზედა დასხმისაგან და ძვრთა უხილავთა
მტერთადასა დამფარველო;
გიხაროდენ, სძალო ქრისტჳსო უძლეველო, დიდო
მოწამეო ბარბარე!

კონდაკი 6

იხილა რაჲ ჰასაკი და შუენიერებაჲ შენი, მარკიანე ჰგონებდა კერპთა მიმართ მიქცევასა შენსა, ნეტარო, და ლიქნითა გრქუა: „უწყიან ღმერთთა, რამეთუ არა მნებაგს მე ტანჯვაჲ შენი, ჳ, ბარბარე, არამედ უზორე ღმერთთა და განერე შენ საშინელთა სატანჯველთა“, ხოლო შენ მძლავრთა მიმართ სიტყვის-გებასა მოგცემდა სული მამისაჲ და ეტყოდი მას: „ვერ შესძრა სიმტკიცე ჩემი ვერცა კეთილითა და ვერცა გუემითა, არამედ ვესაგ ღმერთსა ყოვლისა შემოქმედსა იესუ ქრისტესა მამისა მისისა თანა და სულისა წმიდისა, ერთსა ღმერთსა ჭეშმარიტსა, რადთამცა მივსნეს უშჯულოებისაგან და ხრწნილებისა, და ვუგალობ მას სულითა და ჭეშმარიტებითა“: ალილუია.

იკოსი 6

მაშინ აღივსო გულისწყრომითა მსაჯული იგი სიცრუვისაჲ და გრქუა: „უკუეთუ არა ისმინო ჩემი, ასონი ეგე შენნი დაიქრნენ მახვლითა, და ცეცხლმან რისხვისა ჩემისამან შეგჭამოს შენ“, გარნა შენ მტკიცედ მიუგებდი: „აწ არა ვერჩი მე უგუნურებასა თქუენსა და არცა თაყუანის-ვსცემ კერპთა მათ მტყუართა: ყრუთა და უტყუთა, კელითა კაცთაჲთა შექმნულთა, ვითარცა თქუა წინასწარმეტყველმან დავით: „პირ ათქს და არა იტყვან, თუალ ასხენ და არა ხედვენ...

ემსგავსენ მათ მოქმედნი მათნი და ყოველნი,
რომელნი ესვენ მათ“ და სივერაგენი მისნი უქმ-ყავ
ძალითა სულისადათა, ამისთჳსცა შენ მიერ
მოქადულნი შეგახამთ სამადლობელსა ამას ქებისასა:

გიხაროდენ, დავით წინაწარმეტყუელისა, მეფისა და
მამადმთავრისა თქმულთა აღმასრულებელო;

გიხაროდენ, ქადაგო ღმერთშემოსილო, მოციქულთა
ქრისტჳსთა მიმბაძველო;

გიხაროდენ, ჭემმარიტებისა გზათაგან შეცთომილთა
მამხილებელო;

გიხაროდენ, დაუცადებელითა ლოცვითა ეშმაკისა
ცთუნებათა განმდევნელო;

გიხაროდენ, ლუაწლთა და მოწევნულთა
განსაცდელთა თავს-მდებელო;

გიხაროდენ, სწავლისაებრ მათისა მრავალღმრთეებისა
წყუდიადისა განმაქარვებელო;

გიხაროდენ, მძლავრთა სივერაგეთა უქმ-მყოფელო და
კერპთმსახურებისა მკნედ გამბასრველო;

გიხაროდენ, ყოველთა ურწმუნოთა პირისა
დამაყოფელო;

გიხაროდენ, სულთა განმხრწნელთა მოძღურებათაგან
დამკსნელო;

გიხაროდენ, მზაკუვარებისა დამლახვრელო და
წინააღმდგომთა ძალითა დამცემელო;

გიხაროდენ, მეოხებათა შინა მკურვალეო შემწეო და

მვედრებელთა შენთა მსწრაფლ-მსმენელო;
გიხაროდენ, ცუდთა ლტოლვათა აღზრ-აღმსხმელო;
გიხაროდენ, სძალო ქრისტჳსო უძლეველო, დიდო
მოწამეო ბარბარე!

კონდაკი 7

განარისხა უგულისჯმოდ იგი სიმტკიცემან შენმან და
ბრძანა გუემად შენი ღუედებითა, ხოლო რომელნი
ხედვიდეს ჳორცთა შენთა წყლულებათა, ტიროდეს
მწარედ და გეტყოდეს სისხლ-დალტობილსა:

„აღიარენ უკუე ღმერთნი და განერე გუემასა“, გარნა
შენ არად შერაცხენ თხოვად მათი და ესრეთ მიუგე:

„ამათ გუემათა წილ განსუენებასა მოველი უფლისა
ჩემისა მიერ იესუ ქრისტჳსა წმიდათა თანა
ქალწულთა, და მას მხოლოსა შევსწირავ მადლსა და
გალობასა“: აღილუია.

იკოსი 7

ჰგონებდა რად მარკიანჳ სიკუდილსა შენსა, შთაგაგდო
საპყრობილედ, ადგილსა ბნელსა, გარნა შენ აღაპყარ
თუალნი და იწყე ლოცვად: „მხოლოდ-შობილ ვარ მე
დედისა ჩემისაგან, და მამამან ჩემმან დამაგდო მე,
ხოლო შენ მოიხილე ჩემდა, ღმერთო, და მოავლინე
ცუარი კურნებისად, რადთამცა აღმიმციროს ტანჯვად
და სალმობანი ჩემნი გარდაცვალნეს სიხარულად“, და

აჰა შეისმინა უფალმან ჳმად ვედრებისა შენისაჲ და ნათელი გამობრწყინდა საჰყრობილესა შინა, რამეთუ გამოგიჩნდა შენ ქრისტე ანგელოზთა თანა, და განკურნა რაჲ ყოველთაგან წყლულებათა, გრქუა: „მშჳდობაჲ შენდა, ბარბარე! ნუ შეძრწუნდები უსჯულოდსა მისგან მსაჯულისა, რომელნი განუძლიერებებს ეშმაკსა, არამედ მე თანა დაგიდგე და გიჳსნე შენ ყოვლისაგან ბოროტისა“, ხოლო შენ იპოე რაჲ თავი თჳსი ყოვლად უვნებელი, სიხარულითა ჳმადლობდი ღმერთსა, მას ევედრე აწ ჳსნად ჩუენდა ვნებათაგან სულიერთა და სენთაგან ჳორციელთა, რომელნიცა გნატრით და ვლადებთ სურვიელად:

გიხაროდენ, ნეტარ-შუენიერო სძალო უფლისაო;
გიხაროდენ, მსაჯულო მსჯავრისა და სიმართლისაო;
გიხაროდენ, მტჳრთველო ქრისტჳს ტკბილისა უღლისაო;
გიხაროდენ, ჳურო კეთილისა ზნეობისა და გონიერებისაო;
გიხაროდენ, ქუხილო საღმრთოდსა ქადაგებისაო;
გიხაროდენ, ფარო, დამცველო კეთილმსახურებისაო;
გიხაროდენ, მახჳლო, განმკუეთელო ბოროტმსახურებისაო;
გიხაროდენ, ყოვლად შეუძრველო სუეტო სიმჳნისაო;
გიხაროდენ, უწყალოდ მოსხლოულო ვაზო ქრისტჳს

ვენახისაო;
გიხაროდენ, საღმრთოო ბარძიმო ზესთა
საკუროთხეველისაო;
გიხაროდენ, მურო, ნელსაცხებელად შეწირულო
უკუდავისა მეუფისაო;
გიხაროდენ, შემწეო ყოვლისა გონიერისა მჯნისა
დედაკაცისაო;
გიხაროდენ, პატიოსანო მარგარიტო ქრისტჳს
ეკლესიისაო;
გიხაროდენ, სძალო ქრისტჳსო უძლეველო, დიდო
მოწამეო ბარბარე!

კონდაკი 8

გიხილეს რად მცველთა შენთა მლოცველი წინაშე
ღმრთისა, ერთობით ღალადყვეს: „დიდ არს ღმერთი
ქრისტიანეთად, რომელმან განჰკურნა ესე და არა არს
სხუად ღმერთი უდიდეს მისა“, გარნა ესმა რად
მარკიანეს, განცგვრდა და მიყვანებად შენი უბრძანა
მხედართა, ხოლო შენ გან-რად-ხვედ საპყრობილით,
დაიბეჭდე ყოველნი ასონი შენი ბეჭდითა
ქრისტჳსითა, და საღმრთოთა გალობითა ადიდებდი
ღმერთსა: ალილუია.

იკოსი 8

გიხილა რაჲ მთავარმან ყოვლითურთ მრთელი და უვნებელი, მოგიწოდა შენ თაყუანისცემად კერპთა და გრქუა: „შეწირე მსხუერპლი ღმერთთა ჩუენთა ნიშნად მაღლიერებისა“, გარნა შენ ღალად-ყავ: „ემმაკთა მათ მაცთურთა მსახურო, ნუ ხარ მოყუარჳ კერპთა ყრუთა და უტყვთა, რომელნი ვერ შემძლებელ არიან ხედვად, არცა შეწევნად მოსავთა მათთა, არამედ თაყუანის-ეც ქრისტესა, რომელი ჯუარს-ეცვა, დაეფლა და აღდგა მესამესა დღესა და ჯუარითა მისითა განმამლიერა შენ ზედა“, და აჰა, მტანჯველთაცა შენთა ჳმა-ყვეს: „ჩუნცა გურწამს იესუ ქრისტე, რამეთუ არა არს სხუად ღმერთი გარეშე მისსა“, რადსთჳსცა თაგნი მოჰკვეთნეს და დაიმკვდრეს სუფევად ზეცისად, ეგრეთვე აწ განაბრძვნე სული და გონებაჲ ჩუენი ღმრთისა მიერ, წმიდაო, რადთა შენმიერთთა სიმჳნითა შეჭურვილნი გნატრიდეთ მაღლიერებითა და ვიტყოდეთ ქებითა:

გიხაროდენ, ღმრთისა მიერ ბნელითგან ნათელსა შინა სარწმუნოებისასა საკვრველად აღმოწოდებულო;
 გიხაროდენ, ყოველსა ქუეყანასა ზედა მსგავსად ვარსკულავისა გამობრწყინვებულო;
 გიხაროდენ, საკვრველო ყრმაო, მძლეთა უმძლესად გამოჩინებულო;
 გიხაროდენ, ჯუარცმულისა ქრისტჳსათჳს ძელსა

ზედა დამოკიდებულო;
გიხაროდენ, გუემათა დათმენითა უმყარეს
ანდამატისა გამოჩინებულო;
გიხაროდენ, თვით მტანჯველთაცა სარწმუნოებად
მიმყვანებულო;
გიხაროდენ, განდგომილთა და უარისმყოფელთა
მომაქცეველო;
გიხაროდენ, მამაცობისა და ურყევისა სიმტკიცისა
მომნიჭებულო;
გიხაროდენ, ცილისმწამებელთა და მაგინებელთა
მამხილებულო;
გიხაროდენ, უფლისაგან არაწმიდა სულთა ზედა
კელმწიფებისა მიმღებულო;
გიხაროდენ, ბოროტ სენთაგან შეპყრობილთა
განმკურვნილო;
გიხაროდენ, გამოუცდელთა და უკასაკოთა
ქალწულთა ვნებულთა გულისთქუმათაგან დამფარვე-
ლო;
გიხაროდენ, სატანისა მაკეთაგან და უცხო თესლთა
ზედა მოსლვისაგან დამცველო;
გიხაროდენ, სძალო ქრისტწსო უძლეველო, დიდო
მოწამეო ბარბარე!

კონდაკი 9

ფრიად განრისხნა მარკიანე და ბრძანა დამოკიდებად მელსა ზედა და ხუეტად გუერდთა შენთა ფუცხვითა რკინისადთა და ლამპართა აღნთებულთა მიპყრობად, მაშინ მტარგალთა მათ ყვეს ეგრეთ და ჯორცნი შენნი მოსწუნეს ცეცხლითა, ხოლო სიმრავლჳ ერისად არცა-ლა წინა-აღუდგებოდა ესევითარსა უკეთურებასა, გარნაღა ერთი კეთილმსახური დედაკაცი, სახელად იულიანა, უშიშად ამხილებდა მთავარსა, და ოდეს ჰკითხვიდა იგი: „რომელსა ღმერთსა ჰმსახურებ, დედაკაცო?“ - „ქრისტესა, ჭეშმარიტსა ღმერთსა“ მიუგო კადნიერად, და მყის ბრძანა წამებად მისი შენთანა, გარნა თქუენ იგუემებოდით რად სტადიონსა შინა, განამწნობდით ურთიერთას და ადიდებდით ღმერთსა: ალილუია.

იკოსი 9

იხილა რად უკეთურმან ახოვნებად თქუენი, გარნრისხნა ფრიად და შთააგდო იულიანა დილეგსა, ხოლო შენ განგძარცვეს სამოსელი, რადთა შეიკდიმო ქალწულებრითა სირცხვილითა, და მიმო-გატარებდეს ქალაქსა შინა, არამედ ანგელოზმან ნათლითა მობლარდნილმან ოდეს განგაშიშვლეს შენ ქრისტჳსთჳს, ბრწყინვალითა სამოსლითა შეგმოსა, წმიდაო, და ურცხუთა თუალთაგან უხილაგად

დაგიცვა, ამისთვისცა შეძრწუნდა უშჯულოდ იგი მთავარი, ნუუკუე ყოველი იგი ქალაქი იქმნეს აღმსაარებელ ქრისტესსა, და იულიანას მახვლითა მოწყუედად უბრძანა მხედართა, ხოლო მამასა შენსა ეტყოდა: „აღილე მახვლი და აღასრულე ასული შენი თავის მოკუეთითა“, ამისთვისცა პატივად ძლევაშემოსილთა ღუაწლთა შენთა და ვნებათა გიგალობთ სურვილითა:

გიხაროდენ, რამეთუ საშინელი ვნებად შენი იხილა რად კეთილ-მორწმუნემან დედათა შორის იულიანა, განკვრდა ფრიად, თუ ვითარ დაითმენდი ახოვნად ქრისტესთვის ესევითართა სატანჯველთა;

გიხაროდენ, რამეთუ აღვსილმან ცრემლითა ლმობიერებისადთა, მსწრაფლ ქრისტე აღიარა;

გიხაროდენ, ბარბარე ქალწულ შუენიერო და იულიანა, რამეთუ სურვილითა ქრისტესსითა დედობრივისა მის ბუნებისა უძლურებასა წინ-აღუდეგით მამაკაცებრითა ღუაწლითა;

გიხაროდენ, წინა-აღდგომთა მიერ უძლეველნო, რამეთუ დედათა ბუნებითა სძლეთ მძლავრებასა მამათასა;

გიხაროდენ, რამეთუ მოგებვივნეს არვეთა კრავისადთა მგელნი ბოროტნი და დაგბძარნეს უწყალოდ, ვითარცა ჰეროდემ ჩჩვილნი უმანკონი და ვითარცა ზაქარია უბრალოდ დაკლული;

გიხაროდენ, ზუარაკნო წმიდანო და უბიწონო,
რამეთუ სასტიკთა წყლულებათა ახოვნად
დაითმენდით და ქრისტესთჳს სისხლსა
დასთხევდით;

გიხაროდენ, რამეთუ აღანთეთ სანთელნი თქუენნი
მსგავსად ბრძენთა მათ ქალწულთა;

გიხაროდენ, რამეთუ აღიგეთ ზეთი ჭურჭელთა
თქუენტაჲ და მიეგებეთ სიძესა და შეხვედით
ქორწილსა მას სამეუფოსა;

გიხაროდენ, რამეთუ კეთილად მოლუაწებითა და
სიმკნით წამებითა მოაკუდინეთ მტერი იგი
მზაკუვარი;

გიხაროდენ, რამეთუ განშვენდით პატიოსნად,
ლუაწლისა მძლენო მოწამენო, ჩუენ ცოდვილთაგან
დიდად სანატრელნო, და მოიღეთ ქრისტეს მიერ
დაუქნობელი გვრგვნი ზეცისაჲ;

გიხაროდენ, ქალწულნო და მართლმადიდებელნო,
ქალწულ მარიამსა და ძესა მისსა ევედრენით, რადთა
ჩუენცა მოგვიტევნეს შეცოდებანი ჩუენნი;

გიხაროდენ, სანატრელნო და კურთხევითა
საკსენებელნო, რამეთუ აღმოსავალით, ვიდრე
დასავალადმდე ქებულ არს სახელი თქუენი;

გიხაროდენ, სძალო ქრისტესო უძლეველო, დიდო
მოწამეო ბარბარე!

კონდაკი 10

მაშინ განგიყვანა გარეშე ქალაქისა მშობელმან შენმან, და მიიწიენით რად ადგილსა, სადაცა ეგულებოდა წარკვეთად თავისა შენისად, ევედრე უწყალოსა: „მაცადე მე მცირედ, ვილოცო წინაშე ღმრთისა, რადთამცა სული ჩემი აღიყვანოს ადგილსა მას განსასუენებელსა“. გარნა იგი მკსინვარებითა ჳმა-ჳყოფდა: „ვინ არს ღმერთი შენი? უხმე რაზომ შემძლებელ ხარ, რადთა ვიხილო უკუეთუ მოვიდეს და გიჳსნეს შენ ჳელთაგან ჩემთა“, მაშინ აღაჳყარ წმიდანი ჳელნი ზეცად და ჳმადლობდი ღმერთსა, რომელმან ღირს გყო შენ ცნობად სახელსა წმიდასა მისსა და შესწირევდი ქებასა ქებათასა: ალილუია.

იკოსი 10

კუალად ილოცვიდი მუჳლთ-მოდრეკითა უფლისა მიმართ, ქალწულო შუენიერო, და მჳურვალედ ღაღადებდი: „ისმინე, უფალო, მჳევლისა შენისად და მოჳმადლე ჳორცთა და ძუალთა ჩემთა მადლი სულთა და ჳორცთა კურნებისად, ხოლო რომელსა ჳნებაგს ღუაწლისა ჩემისა სმენად, მიეც მათ მოტევებად ცოდვათად, და უკუეთუ ვინმე შევარდეს საქმესა შინა საშჳელისასა უსამართლოდ, სძლევსმცა მტერთა მისთა მოჳსენებითა სახელისა ჩემისადთა“, ამისთჳსცა სენთა მკურნალად და სასწაულთა საუნჳედ

სულიერად გუაქუ შენ ყოველთა მორწმუნეთა და შეგასხამთ ქებასა:

გიხაროდენ, ბრძენო ქალწულო, მანათობელისა ლამპრისა მქონებელო;

გიხაროდენ, დროებითისა შუენიერებისა არარად შემრაცხველო;

გიხაროდენ, წარმავალისა დიდებისა წილ წარუალისა ნათლისა მომღებელო;

გიხაროდენ, სანატრელისა ცხორებისა მომვაჭრებელო;

გიხაროდენ, ყოველთა მწუხარეთა და პყრობილთა ნუგეშინისმცემელო;

გიხაროდენ, ჭეშმარიტებისა მომართ მოსწრაფეთა მსწრაფლ-შემსმენელო;

გიხაროდენ, სიცრუვისა თაყუანისმცემელთა და ჭეშმარიტებისა მოძულეთა ზარდამცემო;

გიხაროდენ, მარტვლთმოყუარეთა ერთა მცველო დაუძინებელო;

გიხაროდენ, მოშურნეთა და ცილისმწამებელთა დამამდაბლებელო;

გიხაროდენ, სულისა და ჯორცისა შეუხებელად დამცველო;

გიხაროდენ, განკრძალულთა მღდელთა და მონაზონთა კელისაღმპყრობელო;

გიხაროდენ, ქალწულთა და დედათა ღმრთივმოწიქებულო შემწეო და მწყალობელო;

გიხაროდენ, სძალო ქრისტესო უძლეველო, დიღო მოწამეო ბარბარე!

კონდაკი 11

სრულყავ რად ლოცვად შენი, საღმრთოდ ჳმად გესმა შენ შემწირველი თხოვათა შენთად: „აჳა ყოველი რომელი ითხოვე, მიმიმადლებიეს შენდა და უკუეთუ ვინმე გხადოს შენ ლოცვასა შინა, ვიჳსნე იგი ყოვლისაგან ბოროტისა, ხოლო ნეტარ იყოს ნათესავი იგი, რომელსა ვრწმენე მე შენ მიერ, და მოვედ აწ დისა შენისა იულიანას თანა ადგილსა, რომელი განგიმზადეთ თქუენ მარჯუენით თეკლადსა და მარტვლთა თანა, ბრწყინვალედ შუენიერთა და გვრგვნოსანთა, რადთა სამარადისოდ ერთობით უგალობდეთ წმიდასა სამეზასა“: ალილუია.

იკოსი 11

ესე ჳმად ესმა რად დიოსკორესა და მისთანა მყოფთა, განცვფრდეს, ხოლო შენ, ლოცვითა და სარწმუნოებითა აღჭურვილმან შეჳვედრე სული თჳსი უფალსა, და ქედისა მომდრეკელმან რქჳ მამასა შენსა: „აწ აღასრულე ბრძანებული შენდა მთავრისა მიერ, ჳოდ, უღმერთოდ, რამეთუ ძალითა ქრისტეჳს ჩემისადთა ვსძლე არაწმიდასა მას მსაჯულსა“, და ესე არს საკვრველ, რამეთუ უბადრუკმან მამამან მიგცა

სიკუდილად საყუარელი შვილი თვისი და წმიდად თავი
შენი წარგვეთა, გარნა განითქვა რად სიმკნწ შენი და
მარტჯლობად, მრავალი გალობად შესწირეს შენდა,
სანატრელო, გარემოდს ნემტისა შენისა მდგომარეთა,
რომელთა თანა მეცა გიგალობ და ესევეითარისა
ძლევისა გამოჩინებისთჳს შეგითხზნავ ქებასა:

გიხაროდენ, ძუელთა მათ მოწამეთა თანამოსაგრეო,
რამეთუ სიმახჯლწ რკინისად და სიმჯურვალწ
ცეცხლისად შეურაცხ-ყავ ახოვნებითა და მით
დასთრგუნე მანქანებანი მტერისანი;

გიხაროდენ, რამეთუ სიყუარულისათჳს მამისა
მიმართ უკუდავისა მამამან ქუეყნიერმან უწყა-ლოსა
სიკუდილსა მიგცა;

გიხაროდენ, რამეთუ ურწმუნოდსა მამისა მიერ
მოკლული ასულად თჳსად საყუარელად მამამან
ზეცათამან შეგიწყნარა და ხრწნადისა ქუეყნიერისა
საფასისა წილ, უხრწნელეობად ჯორცთად მოგმადლა;

გიხაროდენ, რამეთუ უმანკო იქმნნეს გუამი შენი
სისხლთა შენთა ჰკურებითა და იულიანას თანა იშუებ
საუკუნოდ დიდებითა საუკუნოდთა;

გიხაროდენ, თანა დაკლულნო დანო, მეოხნო ჩუენნო,
რამეთუ სიხარულად შეგეცვალნეს მწუხარებანი და
ტკივილნი სიამედ და ჰპოეთ შუებად საუკუნოდ;

გიხაროდენ, რამეთუ ბრწყინავთ ნათლითა
წამებისადთა და გჯრგჯნითა მარტჯლოთადთა შემკული

ელვარედ მდგომარე ხართ წინაშე ღმრთისა;
გიხაროდენ, ნეშტითა მით შენითა პირველ
ილიოპოლისისა, და შემდგომ კონსტანტინეპოლისა
განმასულნელებელო, ხოლო უკანადასკნელ ნაწილნი
შენნი მოემადლნეს ქალაქსა კიევსა გვრგვზად
მადლთა;

გიხაროდენ, კეთილთა თხოვათა აღმასრულებელო,
რამეთუ მეუფისაგან ყოველთასა მიიღე ნიჭი
საკვრველებისაჲ, და წმიდანი ნაწილნი შენნი
ჰკურნებს სენთა სიმრავლესა, ეშმაკთა განიოტებს და
ახარებს ყოველსა სოფელსა;

გიხაროდენ, რამეთუ მკუდარი, ვითარცა ცხოველი
უმცხინვარეს მზისთუალისა ჰნათობ ყოველთა
კიდეთა ქუეყანისათა და ლუსკუმით გამო ჰქადაგებ
ქრისტესა ღმერთსა;

გიხაროდენ, რამეთუ ყოველი მორწმუნს და ყოველი
მართლმადიდებელი ერი პატივს-სცემს უხრწნელთა
ნაწილთა შენთა და წლითი-წლად აღასრულებს
ვსენებასა შენსა;

გიხაროდენ, შემწეო ყოველთა განწირულთაო, რამეთუ
სენთა და ბუგრთა მკურნალად და სა-სწაულთა
მოქმედად აქუ შენ ყოველთა მართლმადიდებელთა;

გიხაროდენ, რამეთუ უაღრეს ბუნებისა, სიტყვსა,
ცნობისა და გონებისა არიან შენნი ახოვნებანი და
შესხმით იქები მორწმუნეთაგან:

გიხაროდენ, სძალო ქრისტესო უძლეველო, დიდო მოწამეო ბარბარე!

კონდაკი 12

კურთხეულ არს მეუფე, რომელმან ღირს გყო შენ წმიდათა მენელსაცხებლეთა და მოწამეთა დასთა შეერთებასა და მსგავსად მათსა პატივ გცა გზრგზნითა ღუაწლთაჲთა, რამეთუ აღასრულა ქრისტემან თხოვად შენი ბარბარე, და მოსაგებელად მოგანიჭა მადლი კურნებათაჲ მვედრებელთა შენთათჳს, ღირსო, ხოლო რომელნი ითხოვენ შეწევნასა მიიღებენ უფროჲს თხოვისა, ამისთჳსცა ვადიდებთ ღმერთსა, რომელმან მოგანიჭა ესე ვითარი მადლი და სიწმიდე, და ვუგალობთ განმადიდებელსა შენსა: ალილუია.

იკოსი 12

სიხარულითა აღივსების და იქადის აწ ქალაქი კიევი, სადაცა არს ნაწილთა შენთა წმიდაჲ ლუსკუმაჲ და უშურველად აღმოაცენებს მადლსა და წყალობასა, ხოლო ყოველნი სარწმუნოებითა მილტოლვილნი ამბორისყოფად მისდა, მიემთხვევიან სათხოვართა კეთილად აღსრულებასა, რამეთუ უფლისა მიერ შენდამი ბოძებულთა მადლითა მსწრაფლგანკურნავ ვნებათა სულიერთა და ჳორციელთა, და ხატთა მიერ

გამოწერილთა და ვედრებათა მოხსენებული იქსნი
განსაცდელთაგან შემსხმელთა:

გიხაროდენ, ძალითა ჯუარცმულისადათა მტერთა
საცთურთა უჩინომყოფელნო;

გიხაროდენ, წესთა თანა უჯორცოთასა ცათა შინა
მიწვთომილო და სასწაულთმოქმედო;

გიხაროდენ, ქალწულებითთა გუნდთა მიერ,
სასძლოთა შინა ზეცათასა სიხარულითა
შეყვანებულო;

გიხაროდენ, ტანჯვითა დამწუხრებულთა
ნუგეშინისმცემელო;

გიხაროდენ, სულიერთა და ჯორციელთა
უძლურებათა ჩუენთა განმკურნელო;

გიხაროდენ, ბოროტთა სულთაგან შეპყრობილთა
გამომჯსნელო;

გიხაროდენ, ხილულთა და უხილავთა მტერთაგან
განმარინებელო;

გიხაროდენ, ნელ-ტფილისა სარწმუნოებისა
განმაცხოველებელო;

გიხაროდენ, ჭირთა მძვნვარეთა მსწრაფლ
განმდევენელო;

გიხაროდენ, ცრუ-მორწმუნეობისა მწიკულისა
განმაქარვებელო;

გიხაროდენ, შენდამი მოღტოლულთა ვნებულთა
სულთა შემწყნარებელო;

გიხაროდენ, მწუხარებათა ჩუენთა სიხარულითა
შემცვალებელო;
გიხაროდენ, სძალო ქრისტჳსო უძლეველო, დიდო
მოწამეო ბარბარე!

კონდაკი 13

ჟ, ქალწულებითა განშუენებულო და წამებითა
გაბრწყინებულო, დიდო მოწამეო ბარბარე, ვნებათა
თავს-დებითა მაღლი არა წმიდათა სულთა
განდევისაჲ და ძვრთა უხილავთა მტერთა
დათრგუნვისაჲ მოილე ზეგარდამო და ყოველთა
მვედრებელთა შენთა გამოუბრწყინვებ შეწევნისა
შენისა საბოძვართა, აწცა მკურნალ ექმენ
უძლურებათა ჩემთა და ევედრე ქრისტესა ღმერთსა,
მომანიჭოს ქრისტეანებრივი აღსასრული და ვიდრე
სიკუდიდმდე ღირს მყოს ზიარებად ყოვლადწმიდათა
და ცხოველს-ყოველთა საიდუმლოთა მისთა, რადთა
მაღლითა საღმრთოჲთა განძლიერებული შენ თანა
ვუგალობდე ყოვლად-წმიდასა სამებასა: ალილუია.

ეს კონდაკი 3-გზის, შემდეგ

სავედრებელი ლოცვა

ჟ, წმიდაო, დიდებულო და კეთილად-მძლეო დიდ-
მოწამეო ბარბარე, ქრისტჳს ეკლესიისა ლამპარო

ბრწყინვალეო, საკვრველებათა უხუებით
მომნიჭებელო, მოწყალეო, ურისხველო, გლახაკთა
ჯელისაღმპყრობელო და სნეულთა მსწრაფლშემწეო!

ჟ, წმიდაო დიდებულო და ყოვლად-ქებულო
ქალწულ-მოწამეო ბარბარე, სძალო ქრისტესო
შუენიერო, ვითარცა ზეცისა სიძისა დაწინდებული,
სავანეთა მისთა დამკვდრებულ ხარ ხუთთა მათ თანა
ბრძენთა ქალწულთა და იულიანას თანა, გვთხოვე აწ
ქრისტეს ღმრთისაგან, რადთა დაიცვას მამული ჩუენი
მტერისა საფრჯისაგან და ძმათა მტერობისაგან, და
წყალობითა მოხედოს დედისა თვისისა წილხდომილსა
ერსა ჩუენსა, მართლმადიდებელსა და
მართლადმსაარებელსა. განჰკურნენ
მრავალწყლულებანი ჩუენნი

ღმრთივმისათუალველითა ლოცვითა შენითა და
მოგუეც ჩუენ საღმრთოდ მოშურნეობად მამულისად და
შიში ღმრთისად, რადთა ყოველნი მკვდრნი საქა-
რთველოდსანი მართლმადიდებლობასა და ერთსა
ზრახვასა შინა განვმტკიცდეთ და ერთითა პირითა და
ერთითა გულითა ქრისტესა, ჭემმარიტსა ღმერთსა
ვუგალობდეთ. მსახურებასა შინა განაძლიერე
უწმიდესი და უნეტარესი, სრულიად საქართველოდს
კათალიკოს-პატრიარქი, მცხეთა-თბილისის
მთავარეპისკოპოსი, და ბიჭვინთისა და ცხუმ-
აფხაზეთის მიტროპოლიტი, დიდი მეუფე, მამად

ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატროსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი და ყოველნი მართლმორწმუნენი ქრისტეანენი. მოსახელენი და მვედრებელნი შენნი ადიდე. ევედრე, ყოვლადბრწყინვალეო მარტვლო, შენგან შეყუარებულსა ტკბილსა იესუს, რადთა შეგვინდოს განდგომილებანი, ეკლესიათა ნგრევა-შეგინებანი, ღმრთისმსახურთა მკვლელობანი, ღალატი, შური და უწესობანი, საშოსა შინა ჩვილთა ჩუენტა კვლანი და სხვანიცა შეცოდებათა ჩუენტა სიმრავლენი.

ჟ, ყოვლად-ბრძენო და ყოვლად-შუენიერო ბარბარე, მარტვლო და სძალო ქრისტეს ღმრთისაო! იმეოხენ წინაშე მისა, რადთა მოჰმადლოს ეკლესიათა დიდებად, სამღდელოთა პატროსნებად, მთავართა კეთილად მწყსად ერისად, მვედართა მამაცობად, ერისაგანთა უცოდველობად და დედათა კრძალულებად, ხოლო ჩუენ მოგუანიჰოს კეთილ-მოქალაქობითა ცხორებად, ქუელის საქმითა განშუენებად, წმიდითა ლოცვითა განათლებად, აღსარებითა განწმედად, ზიარებითა განბრწყინებად, პატროსნად მიცვალებად, სასუფეველსა დამკვდრებად, ანგელოზთა თანა გალობად, წმიდათა თანა სუფევად, და შენ თანა დიდებად და მადლობად,

რამეთუ მისა ჰშუენის ყოველი დიდებაჲ, პატივი და თაყუანისცემაჲ, თანა მამით და სულით წმიდითურთ, აწ და მარადის და უკუნითი უკუნისამდე, ამინ.

ღირს არს ჭემმარიტად, რადთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერუბიმთასა და აღმატებით უზესთაესსა სერაფიმთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგჳწყალენ (3-გზის).

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, ყოვლად დიდებულისა და ფრიად ქებულისა ქალწულ-მოწამისა ბარბარჳსითა და ყოველთა წმიდათაჲთა, შეგჳწყალენ ჩუენ, ამინ.

